



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU LIBERALNE STRANKE BOSNE I HERCEGOVINE

Broj: 03-07-6-82/16
Sarajevo, 05. juli 2017. godine

S A D R Ź A J

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liberalne stranke Bosne i Hercegovine za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2015. godinu, utvrđeno je da je Liberalna stranka Bosne i Hercegovine prekršila odredbe člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Liberalne stranke Bosne i Hercegovine za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Liberalna stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	91.679,55	100,00
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	91.679,55	100,00
II	Kreditno zaduženje kod banaka	0,00	0,00
	Izvori finansiranja (I+II)	91.679,55	100,00

U godišnjem finansijskom izvještaju stranka je iskazala ukupne rashode u iznosu od 42.415,75 KM.

2. PREDSTAVLJANJE POLITIČKE STRANKE

Naziv političke stranke: Liberalna stranka Bosne i Hercegovine. Skraćeni naziv: LSBiH.

Liberalna stranka Bosne i Hercegovine registrovana je kod Općinskog suda u Goraždu, rješenjem broj: 045-0-F1-13-000002 od 23.12.2013. godine.

Sjedište političke stranke je u Goraždu, Seada Sofovića Sofe bb.

Lica ovlaštena za zastupanje stranke su: Daliborka Milović, predsjednica i Nedeljko Stefanović, podpredsjednik.

Prema podacima iz godišnjeg finansijskog izvještaja za 2015. godinu, lice ovlašteno za finansijske izvještaje je agencija Dino-Vektor doo Goražde.

Prema podacima iz godišnjeg finansijskog izvještaja za 2015. godinu, Liberalna stranka Bosne i Hercegovine ima sljedeću organizacionu strukturu:

- Liberalna stranka Goražde,
- Kantonalni odbor LS Goražde,
- 2 regionalna odbora i
- Opštinski odbor LS Goražde.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liberalne stranke Bosne i Hercegovine za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Liberalne stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Liberalne stranke Bosne i Hercegovine za 2014. godinu, nakon čega je izdat izvještaj o pregledu sa mišljenjem revizora, nalazima revizije i preporukama stranci da uspostavi evidencije o svim priložima, bez obzira na koji način ih ostvaruje, da vodi poslovne knjige u skladu sa računovodstvenim propisima i da uspostavi tačne evidencije o svojim prihodima i rashodima, da finansijske izvještaje Centralnoj izbornoj komisiji Bosne i Hercegovine podnosi u skladu sa Zakonima iz njene nadležnosti i da poštuje i druge propise, prevashodno poreske, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji Bosne i Hercegovine.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Liberalna stranka Bosne i Hercegovine nije ispoštovala date preporuke.

5. NALAZI I PREPORUKE

5.1 NALAZI

Liberalna stranka Bosne i Hercegovine prekršila je odredbe člana 11. i člana 12. Zakona o finansiranju političkih stranaka.

Pregledom godišnjeg finansijskog izvještaja i finansijske dokumentacije, utvrđeno je da Liberalna stranka Bosne i Hercegovine nije uspostavila potpune evidencije o svojim prihodima i rashodima, obrasce finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka-u daljem tekstu: Pravilnik i nije dostavila dodatnu finansijsku dokumentaciju za 2015. godinu, čime je prekršila odredbe člana 11. i člana 12. Zakona o finansiranju političkih stranaka.

(1) Stranka je u godišnjem finansijskom izvještaju troškove zakupa, odnosno obaveze prema zakupodavcu iskazala u manjem iznosu u odnosu na ostvarene, čime je prekršila odredbe člana 21., 22. i 24. Pravilnika.

Uvidom u Ugovor o zakupu poslovne prostorije¹, utvrđeno je da stranka nije u poslovnim knjigama evidentirala troškove zakupa za dva mjeseca 2015. godine u ukupnom iznosu od 60,84 KM.

¹ Ugovor sklopljen sa Općinom Goražde dana 01.06.2015. godine.

Stranka, takođe, u poslovnim knjigama nije evidentirala ni sve troškove telefonskih usluga i električne energije za 2015. godinu.

Pored navedenog, Liberalna stranka Bosne i Hercegovine je suprotno odredbi člana 22. Pravilnika troškove propagande u iznosu od 6.667,60 KM iskazala i u obrascu 4.1 (režijsko-administrativni i ostali troškovi) godišnjeg finansijskog izvještaja.

- Uvidom u dostavljenu finansijsku dokumentaciju, Ugovor o finansijskom leasingu broj 14035/15 od 20.03.2015. godine i Odluku Liberalne stranke BiH broj: 01-32-3/15 od 12.03.2015. godine, utvrđeno je da je fizičko lice izvršilo nabavku automobila, te da je automobil dat na korištenje Liberalnoj stranci Bosne i Hercegovine uz obavezu da stranka plaća obaveze po osnovu ugovora o leasingu, kasko osiguranje, održavanje i popravku automobila.

Prema podacima iz godišnjeg finansijskog izvještaja i poslovnih knjiga za 2015. godinu, stranka je tokom 2015. godine izvršila plaćanje obaveza po osnovu Ugovora o leasingu za nabavku vozila u iznosu od 3.973,50 KM i kasko osiguranje vozila u iznosu od 1.186,30 KM, odnosno ukupno 5.159,80 KM.

S obzirom da je automobil dat na korištenje stranci uz naknadu, mišljenja smo da stranka nije pravilno iskazala troškove u poslovnim knjigama i godišnjem finansijskom izvještaju. Naime, stranka je i troškove kasko osiguranja automobila trebala iskazati kao troškove najma automobila.

- Liberalna stranka Bosne i Hercegovine je u obrascu 5 (obaveze političke stranke) iskazala podatke o datim pozajmicama fizičkim licima i avansima, koji su u Bruto bilansu stranke iskazani na kontu kratkoročnih plasmana i potraživanja, čime su prekršene odredbe člana 24. Pravilnika.
Odredbama člana 24. Pravilnika propisano je da se u obrazac 5 upisuju podaci o obavezama političke stranke na određeni dan, a ne potraživanja i dati avansi.

- (2) Dana 20.02.2017. godine, Centralna izborna komisija Bosne i Hercegovine je Liberalnoj stranci Bosne i Hercegovine uputila Zahtjev za dostavljanje dokumentacije (spisak imovine stranke na dan 31.12.2015. godine i kopiju blagajničkih dnevnika-izvještaja za period 01.01.-31.12.2015. godine sa priložima).

Uvidom u službenu evidenciju, utvrđeno je da Liberalna stranka Bosne i Hercegovine nije na zahtjev Centralne izborne komisije Bosne i Hercegovine dostavila dodatnu finansijsku dokumentaciju, čime je prekršila odredbu člana 12. stav (5) Zakona o finansiranju političkih stranaka.

5.2 PREPORUKE

Preporučuje se Liberalnoj stranci Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige vodi u skladu sa računovodstvenim propisima, odnosno da vodi potpune evidencije o приходima i rashodima,*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,*
- *da dostavlja dodatnu dokumentaciju i*

- *da, imajući u vidu da se stranka finansira isključivo sredstvima iz budžeta, prikupljena sredstva troši racionalnije.*

KOMENTAR:

U ostavljenom roku, Liberalna stranka Bosne i Hercegovine nije se očitovala na Preliminarni izvještaj o pregledu godišnjeg finansijskog izvještaja za 2015. godinu.

šef Odsjeka za revizijske poslove, revizor

Sanja Tošović

šef Službe za reviziju

Mr. sc. Hasida Gušić